



PROCESVERBALI

Mbledhja e Këshillit Komunal për Siguri në Bashkësi (KKSB) në Rahovec, e mbajtur më 27.01.2021 me fillim në ora 15.30. Mbledhjen e kryesoi Kryetari Komunës Smajl Latifi: Kuorum për mbajtjen e mbledhjes kemi.

Kryetari- Më lejoni t'i përshëndes të gjithë të gjithë anëtarët e KKSB, Nënkryetarin e komunës, Fatmir Iska, Drejtorët e Drejtorive, komandantin e stacionit të policisë në Rahovec z. Fazli Morina, Përfaqësues të Ushtrisë së Kosovës prezent këtu që përfaqësojnë nga pikëpamja e sigurisë që kontribuojnë në komunën e Rahovecit, përfaqësuesit e mediave dhe gjithë të pranishmit e tjerë që janë prezent në sallë. Është mbledhja e rregullt e Këshillit Komunal për Siguri në Bashkësi. Përpara e keni një rend dite i cili buron nga plani vjetor i punës për vitin 2021 i cili është aprovuar edhe në Kuvendin e Komunës. Ky është takimi i parë për vitin 2021 i KKSB-së. Për këtë mbledhje propozoj këtë:

Rend Dite

1. Shqyrtimi dhe aprovimi i procesverbalit nga mbledhja e kaluar;
2. Informatë rreth situatës së krijuar nga pandemia Covid – 19;
3. Vlerësimi i përgjithshëm i gjendjes së sigurisë në territorin e Komunës së Rahovecit;
 - Analizë e sigurisë në territorin e Komunës së Rahovecit për vitin paraprak;
 - Siguria në Trafik;
 - Monitorimi dhe raportimi mbi nivelin e sigurisë në shkolla dhe zbatimin e planit për Sigurinë në shkolla;
 - Rreth veprimeve dhe masave për luftimin e shkelësve të ligjit në Komunën e Rahovecit;
4. Të ndryshme.

Kryetari - A ka dikush të shtojë diçka sa i përket rendit të ditës, nëse jo atëherë e qes në votim. Konstatohet se në mënyrë unanime është aprovuar rendi i ditës. Kalojmë në pikën e radhës:

1. Shqyrtimi dhe aprovimi i Procesverbalit nga mbledhja e kaluar:

A ka dikush të shtojë diçka sa i përket procesverbalit nga mbledhja e kaluar.

Nvsret Abazibra – Përshëndetje për të gjithë të pranishmit, sa i përket procesverbalit besoj se është bërë një gabim teknik, por ceket se në komunën tonë ka pasur 445 vdekje, kurse në realitet kanë qenë 45, kjo vetëm le të përmirësohet se është gabim teknik.

Kryetari – Faleminderit i nderuari hoxhë, këtë gabim teknik do ta përmirësojë sekretaria e kuvendit, nëse nuk ka askush tjetër të shtojë diçka sa i përket procesverbalit e qesë në votim: Konstatohet se në mënyrë unanime është aprovuar procesverbali nga mbledhja e kaluar.

2. Informatë rreth menaxhimit të situatës të krijuar nga Covid – 19 nga Komuna e Rahovecit.

Kryetari – Përshëndetje për të gjithë të pranishmit në sallë, të nderuar sa i përket menaxhimit të situatës me Covid – 19, aktualisht i kemi 98 raste aktive, 60 raste i kemi me fatalitet, kurse 445 rasteve janë të shëruar. Sa i përket masave që janë në fuqi si duket nga kjo fryma parazgjedhore

nuk mundem të ju sigurojë se janë duke u respektuar në masën e duhur, por kërkesa jonë është që të respektohen këto masa aq sa munden. Edhe pse është duke u përfolur se këto dy muajt e fundit jemi duke shkuar ka fundi i pandemisë, mirë është që të **kujdesemi** deri sa të përfundon e gjitha, ata të cilët kanë humbur familjarë nga pasoja e Covid – ju shpreh ngushëllime, kurse ata që janë ende me covid – 19 urojmë që ta përballojmë sa më lehtë këtë virus. Ekipet tona shëndetësore janë aktive dhe të gatshme, pra janë funksionale dhe janë duke u përpjekur ta kryejnë punën e tyre sipas mundësive që i kanë. Ne si institucion kemi informacione me baza ditore nga IKSHP-ja. Poashtu edhe furnizimi me medikamente dhe me pajisje mbrojtëse ndaj covid – 19 është i mirë, nuk qëndrojmë keq sa i përket furnizimeve. Për më shumë e hapi debatit nëse ka dikush të shtoj diçka ose të pyes fjala është e juaja.

Ramë Berisha – Përshëndetje për të gjithë të pranishmit, ky virus është i përhapur që nga marsi i viti të kaluar në gjithë botën, ka pasur pasojë si në njerëz ashtu edhe në ekonomi. Por ajo që është emirë se si ministria ashtu edhe komuna na ka dalë në ndihmë për tejkalim të këtij virusi, poashtu edhe kryetari i komunës së bashku me komandantin e policisë në çdo mbledhje na kanë informuar rreth covid-19, prandaj edhe unë i bëjë thirrje që ti përmbahemi ende rekomandimeve sepse nëse jo do të kemi edhe më shumë pasoja sepse virusi ende nuk ka kaluar.

Kryetari – Ne jemi duke planifikuar që në një të ardhme të shpejtë të i mbështesim disa biznese të cilat kanë pasur humbje si pasojë e covid -19, poashtu edhe nga punimet e kanalit të ujërave në rrugën kryesore në qytet.

Konkluzion – Duhet të përqijemi të gjithë të i respektojmë masat edhe pse tani në këtë kohë është pak problem, lutemi që të zbutet efekti i virusit dhe të mos kemi asnjë rastë me fatalitet. Kalojmë në pikën e radhës:

3. Vlerësimi i përgjithshëm i gjendjes së sigurisë në territorin e Komunës së Rahovecit.

Gjendja e sigurisë në komunën e Rahovecit për bindjen tonë është stabile dhe e qetë, kemi pasur një përballim të vështirë me situatën e vërshimeve dhe përmbytjeve në disa fshatra të komunës së Rahovecit dhe në qytet. Kemi pasur ngritje të nivelit të ujit në Drinit e Bardhë ku i ka kërcënuar fshatrat që janë afër, por ashtu vazhdon ende të jetë rrezik për ato fshatra. Ne si komunë kemi marrë veprime të shumta emergjente, përmes kompanive dhe ekipeve vullnetare, ku jemi munduar që ta përballojmë sa më mirë dhe sa më lehtë gjendjen e rënduar me rastin e vërshimeve dhe përmbytjeve të fundit. Kemi formuar komisione sa i përket regjistrimit të dëmeve si në amvisëri, ekonomi familjare dhe biznese, dëmeve në infrastrukturë publike dhe në bujqësi. Vlera e dëmeve në amvisëri është mbi 600,000.00 €, këtë raporte e kemi dërguar në komisionin për kompensimin e dëmeve në kuadër të qeverisë qendrore, ne jemi në përfundim të përgatitjes edhe të raporteve tjera sa i përket dëmeve të shkaktuara nga reshjet e fundit. Ne kemi shpresë që do të kemi një dëmshpërblim nga ana e qeverisë qendrore, ekziston një fond emergjent që është krijuar posaçërisht për ti mbuluar dëmet në amvisëri, ne si komunë e kemi bërë presionin në adresa të institucioneve qendrore. Poashtu ekziston edhe një fond emergjent edhe në Ministrinë e Bujqësisë, shpresojmë se edhe nga ky fond do të kompensohemi për dëmet në bujqësi që i ka pasur komuna jonë. Sa i përket problemeve ndëretnike nuk kemi pasur gjithçka është në rregull, në natën e vitit të ri nuk kemi pasur ndonjë problem, ka pasur gjuajtje të fishekzjarrëve edhe pse ne kemi marrë një vendim që të kufizohet përdorimi i tyre, por që të ndodhë kjo duhet të ndërpritet importi i tyre në burim e jo nga ne. Për më shumë sa i përket kësaj pike besoj se do na jep më shumë informata komandanti i stacionit policor z. Fazli Morina.

Fazli Morina, komandanti i stacionit policor - Përshëndetje për të gjithë të pranishmit, do mundohem në pika të shkurta të ju raportoj edhe pse ka mjaftë për të thënë. Nëse i referohemi raportimit nga takimi i fundit e deri me 25 janar të këtij viti, do ju japë edhe disa informata shtesë rreth vitit 2020, pasi jemi në mbledhjen e parë të vitit 2021. Pasi që në takimet e kaluara kemi raportuar në mënyrë kronologjike duke i përfshirë datat nga mbajtja e takimit paraprak të KKSBS-së e deri në takimin e radhës. Informatat rreth menaxhimit të pandemisë covid – 19, në zonën tonë të përgjegjësisë, gjatë periudhës raportuese, të gjitha njësitë e policisë në Rahovec të

asistuar edhe nga patrullat e tjera kohë pas kohe, kanë qenë të angazhuara në implementimin e planit operativ të Drejtorisë Rajonale të Policisë në Gjakovë për gatishmëri dhe reagim për Corona Viris Covid – 19, duke vepruar në përputhje me zhvillimet aktuale dhe vendimet tjera, për menaxhimin e situatës së pandemisë, në tërë territorin e komunës së Rahovecit. Gjatë periudhës mars – dhjetor 2020 në zonën tonë të përgjegjësisë janë shënuar rreth 1936 gjoba konform ligjit 07/L006, për parandalimin dhe luftimin e pandemisë Covid – 19. Nga këto gjoba 1911, janë për mos vendosje të maskës, 3 për mos mbajtje të distancës, 3 për mos respektim të orarit, 22 për tubime dhe aktivitete të ndaluara dhe 2 gjoba janë për mos respektim të masës për vet izolim.

Situata e sigurisë së përgjithshme gjatë viti 2020, në territorin e Komunës së Rahovecit, gjatë vitit 2020 ka qenë e qetë dhe stabile. Gjatë kësaj periudhe në stacionin tonë të policisë janë regjistruar 526 raste, nga to janë 493 vepra penale dhe 33 incidente të ndryshme jo të natyrës së veprës penale. 49 raste kanë qenë vjedhje, 66 vjedhje të rëndë, mbajtje të paautorizuar të armës 6 raste dhe dhuna në familje 47 raste. Dallimi në mes viti 2020 dhe viteve të tjera është shumë i vogël, pothuajse janë shifra të njëjta sepse në vitin 2019 kemi pasur vetëm 2 raste më pak. Ajo që ja vlen të ceket poashtu është se gjatë kësaj periudhe janë bërë disa vjedhje të rënda, vjedhja në qendrën tregtare Viva Fresh Store në Rahovec, pastaj në Super Viva në Xërxë, pastaj vjedhja nga veturat të parkuara nëpër parkingjet e qendrave tregtare, vjedhjet e stolive nëpër shtëpi private etj. Për të gjitha këto raste janë marrë masa qoftë nga ne si stacion i Rahovecit, qoftë nga hetimet rajonale.

Siguria në Komunikacionin Rrugorë, është e njëjta pothuajse pa ndryshime, po ju ceki vetëm shifrat e gjobave mos të ju marrë kohë shumë, gjatë viti 2020 vetëm nga stacioni i Rahovecit janë shqiptuar 5086 tiketa.

Siguria në Shkollë, është pothuajse e njëjtë gjatë kësaj periudhe raportuese, situata ka qenë e qetë dhe stabile, në zonën tonë të përgjegjësisë janë raportuar 5 raste, një rast ka qenë në shkollën e mesme “Selajdin Mullabazi – Mici”. Pastaj kemi pasur 1 rast të vjedhjes së gjërave ushqimore tek çerdhja e fëmijëve Tulipanët, po ashtu edhe thyerja e xhamave në shkollën fillore “Hamëz Thaqi në Xërxë. Një rast i cili ka ndodhur pardje është hedhja e një qytetari nga Ura e Fshejtë, tani për tani rrethanat janë të panjohura. Falë angazhimit të drejtorisë rajonale, nga stacioni ynë, pastaj nga komuna e Rahovecit si dhe nga FSK-ja, por për arsye të motit të keq pasi ka pasur shumë vërshime, njësitë e shpëtimit nuk kanë mundur të reagojnë, por tani janë duke vazhduar gjetjen e trupit të personit në fjalë. Nëse keni ndonjë pyetje këtu jemi për të ju përgjigjur.

Kryetari – Urojmë që të gjendet trupi i mësimdhënësit nga shkolla fillore në Sopniq, falënderoj FSK-në dhe të gjithë ata që kanë shprehur gatishmërinë për të kërkuar trupin e mësimdhënësit tek ujërat e Drinit të Bardhë. Të nderuar po ju rikujtoj se komuna jonë është zgjedhur si komuna e parë për në nivele vendi për zbatimin e masave anti Covid - 19 nëpër shkollë, pra me këtë do të thotë se është treguar një vëmendje sa i përket masave që duhet të merën. Ky vlerësim është bërë nga dy organizata në nivel republike që kanë bërë kontrolle sistematike nëpër shkollë. Poashtu mundem të ju them se komuna jonë ka hyra në vitin 2021 shumë stabile, ku ka tejkaluar planin e të hyrave, pastaj ka shpenzuar buxhetin e vitit 2020 98%, poashtu ka miratuar buxhetin me kohë për vitin 2021, shpresojmë se me përmasimin e kushteve atmosferike të kemi aktivitete të cilat në një mënyrë ose tjetrën prodhojnë efekte që kanë të bëjnë me sigurinë e qytetarëve të komunës sonë. Pastaj sa i përket mungesës së trotuareve kjo vije për shkak të ngushticave që i kemi nëpër prona, ka edhe situata të tjera që e vështirësojnë, pastaj kemi trafik të vështirësuar edhe për arsye të punimeve që janë duke ndodhur në rrugën kryesore. Por besoj se me përmirësimin e kohës ne do të kemi aktivitete të cilat do të ndikojnë që këto që i përmendëm të përmirësohen. Fjala tani është e juaja nëse keni ndonjë pyetje ne jemi këtu.

Shqip Shala – Përsëritje për të gjithë të pranishmit, i nderuari komandant sa ka ndikuar pandemia në raportimin e rasteve në stacionin policor në krahasim me vitin 2019.

Fazli Morina – Mundem të them lirishtë se pa marrë parasysh rrethanat e pandemisë që gjendemi tani e gati një vit, sipas statistikave nuk ka ndonjë ndryshim sillemi aty njëjtë, ka mundësi të lëvizë një përqindje shumë e vogël ose më pak ose më shumë.

Ymret Reshiti – Përhëndetje për të gjithë të pranishmit, dua të flas sa i përket sigurisë në shkolla në nivel Kosove nga aspekti i këshillit të prindërve, pa e specifikuar komunën por në përgjithësi si dukuri negative e cila na shqetëson neve si këshill i prindërve. Fatkeqësisht duhet të na ndodhin rastet tragjike për të na përkujtuar neve se nuk jemi duke i kryer përgjegjësit tona si institucione dhe si shoqëri, pra ka të bëjë pikërisht me prezencën e dhunës nëpër shkolla. edhe pas 20 vitesh përpjekjesh nga institucionet dhe prindërit, për të parandaluar prezencën e kësaj dukurie negative në shkolla, si përfundim rasti i Prizrenit dhe rastet e tjera na tregojnë se ne në këtë aspekt nuk kemi arritur mjaftueshëm të i kryejmë përgjegjësitë tona, prandaj ne ende nuk kemi arritur të krijojmë ambiente të sigurta për fëmijët tanë në shkolla. siç e cekë rasti i Prizrenit që ndodhi therja e një nxënësi me thikë, janë me ë vërtet lajme tepër shqetësuese për ne si shoqëri Kosovare, për të na përgatitur që të reflektojmë pozitivisht kurse institucionet tona ta kenë si prioritet luftimin e dhunës nëpër shkolla.

Kryetari – I nderuari z. Ymret Reshiti ju kisha lutur që të fokusoheni tek ngjarjet në Komunën e Rahovecit, e jo të flisni për nivel vendi, sepse ne sot jemi në takimin e KKSBB-së, për komunën e Rahovecit. Nesër e kemi takimin me drejtorët e shkollave dhe me këshillin e prindërve dhe aty keni mundësi të diskutoni, prandaj ju lusë që tani të fokusoheni vetëm në rendin e ditës, mos dilni jashtë këtij rendi të ditës.

Ymret Reshiti – Pikërisht i nderuari kryetar unë desha të dal pastaj edhe tek komuna jonë, ku fatmirësisht nuk kemi raste të tilla dhe ajo çka kërkoj unë është bashkëpunimi i drejtorëve, bashkëpunimin e stafit mësimor së bashku me prindërit. Problemet që ndodhin në gjenezë brenda shkollës dhe që kanë si rezultat manifestimin e dhunës ti eliminojnë me kohë, para se rastet e tilla të përfundojnë tragjikisht. Kjo është ajo që pata unë sa i përket kësaj teme dhe kërkoj falje nëse kam devijuar debatit.

Kryetari – Ju faleminderit z. Ymret Reshiti, poashtu edhe juve komandant, a ka edhe dikush të shtoj diçka sa i përket kësaj pike të rendit të ditës, nëse jo atëherë pe marrim një konkluzion.

Konkluzion – Duhet të përpiqemi bashkërisht për çdo ditë që të japim kontributin tonë për një siguri më të mirë, si atë të përgjithshme, komunale, poashtu edhe specifike si në këtë rast nëpër shkolla, në trafik etj. kalojmë në pikën e fundit:

4. Të ndryshme - Të nderuar a keni diçka të shtoni sa i përket kësaj pike, nëse jo atëherë ju faleminderit të gjithëve për kontributin e dhënë, mirë u takofshim në mbledhjet e radhës.

Mbledhja ka përfunduar në orën: 16:30

Procesmbajtësi

Agim Hoti

